

Kama kitabu kinavyoitambulisha, “Waraka wa pili wa Petro kwa watu wote”

Petro ndiye mwandishi. Ni waraka mfupi, aliouelekeza kwa watakatifu wote duniani.

**Na haya ndio maudhui yake makuu;**

1. Kuwahimiza wakristo kuendelea kukua katika Imani.
2. Kuwathibitishia watakatifu ushuhuda wao kwamba haukutokana na hadithi za kutungwa kwa werevu bali ushuhuda wa macho.
3. Kuwaonya wajiepushe udhalimu wa manabii wa uongo.
4. Halikadhalika kuwapa tumaini juu ya ujio wa Bwana Yesu Kristo.
5. Na Uthabiti wa nyaraka za mitume kwao.

**Haya ndio maelezo ya kila kipengele kwa ufupi;**

1) Himizo la Ukuaji wa kiroho.

Petro anawahimiza watakatifu wasikwamwe kiroho bali waendelee kukua, mpaka kufikia utimilifu wao ambao ni upendo, Na kwamba mtu asipojitahidi kufanya hivyo matokeo yake ni kuwa atakuwa mvivu, na hatimaye atajikwaa.

Uchambuzi na mwandishi wa kitabu cha pili cha Petro (2Petro).

2 Petro 1:3-8

[3]Kwa kuwa uweza wake wa Uungu umetukirimia vitu vyote vipasavyo uzima na utauwa, kwa kumjua yeye aliyetuita kwa utukufu wake na wema wake mwenyewe.

[4]Tena kwa hayo ametukirimia ahadi kubwa mno, za thamani, ili kwamba kwa hizo mpate kuwa washirika wa tabia ya Uungu, mkiokolewa na uharibifu uliomo duniani kwa sababu ya tamaa.

[5]Naam, na kwa sababu iyo hiyo mkijitahidi sana kwa upande wenu, katika imani yenu tieni na wema, na katika wema wenu maarifa,

[6]na katika maarifa yenu kiasi, na katika kiasi chenu saburi, na katika saburi yenu utauwa,

[7]na katika utauwa wenu upendano wa ndugu, na katika upendano wa ndugu, upendo.

[8]Maana mambo hayo yakiwa kwenu na kujaa tele, yawafanya ninyi kuwa si wavivu wala si watu wasio na matunda, kwa kumjua Bwana wetu Yesu Kristo.

2) Uthibitisho wa ushuhuda wao.

Mtume Petro anatoa hakikisho la ushuhuda wao juu ya ujio wa Kristo, kwamba hawakuupokea katika hadithi zilizotungwa kwa werevu, bali walishuhudia wao wenyewe kwa macho, walipotokewa na Musa na Eliya juu ya mlima ule mrefu na kuisikia sauti ya Mungu mbinguni moja kwa moja ikimshuhudia Yesu kuwa ndiye mwana wa Mungu, aliyependwa naye.

2 Petro 1:16-17

[16]Maana hatukufuata hadithi zilizotungwa kwa werevu, tulipowajulisha ninyi nguvu zake Bwana wetu Yesu Kristo na kuja kwake; bali tulikuwa tumeuona wenyewe ukuu wake.

[17]Maana alipata kwa Mungu Baba heshima na utukufu, hapo alipoletewa sauti iliyotoka katika utukufu mkuu, Huyu ni Mwanangu, mpendwa wangu, ninayependezwa naye.

[18]Na sauti hiyo sisi tuliisikia ikitoka mbinguni tulipokuwa pamoja naye katika mlima ule mtakatifu.

### 3) Tahadhari dhidi ya manabii wa uongo.(2:1-22)

Lakini pia anawahimiza kujiepusha na manabii wa uongo, ili wasije wakachukuliwa na makosa Yao, wakaangamia tena. Ambao sifa zake nyingi ameziorodhesha pale (kwenye sura yote ya pili), Sifa zao ni pamoja na tamaa na uzinzi, akiwataja kama watu wasiokoma kutenda dhambi, wasaliti wa Bwana, wenyе uhodari wa kutunga maneno wenyе werevu, ili wawavute watu kwao, wenyе kupenda ujira wa udhalimu kama Balaamu, watoao maneno ya makufuru, watu wa kujikinai, wasio

na hofu ya Mungu, watu wa anasa, wa kuhadaa watu waliosimama imara, ili wawaungushe.

2 Petro 3:17

*[17]Basi, wapenzi mkitangulia kujua hayo, jilindeni nafsi zenu, msije mkachukuliwa na kosa la hao wahalifu mkaanguka na kuuacha uthibitifu wenu.*

4) Tumaini juu ya ujio wa Yesu Kristo.

Petro pia anawahimiza watakatifu wawe na tumaini juu ya uthabiti wa kurudi kwa Bwana,

akiwatahadharisha juu ya kuibuka kwa kundi la watu wenye kudhihaki, wanaosema iko wapi ile ahadi, mbona muda mrefu umepita? lakini Petro analirekebisha kwa kulitolea maelezo kuwa Mungu hakawii kutimiza ahadi yake bali anavumilia ili watu wote wafikie toba. Lakini siku hiyo itakuja kama mwizi, na ulmwengu ukaliwao na waovu utaharibiwa.

## 2 Petro 3:9-13

[9]Bwana hakawii kuitimiza ahadi yake, kama wengine wanavyokudhani kukawia, bali huvumilia kwenu, maana hapendi mtu ye yote apotee, bali wote wafikilie toba.

[10]Lakini siku ya Bwana itakuja kama mwivi; katika siku hiyo mbingu zitatoweke kwa mshindo mkuu, na viumbwe vyatya asili vitaunguzwa, na kufumuliwa, na nchi na kazi zilizomo ndani yake zitateketea.

[11]Basi, kwa kuwa vitu hivi vyote vitafumuliwa hivyo, imewapasa ninyi kuwa watu wa tabia gani katika mwenendo mtakatifu na utauwa,

[12]Mkitazamia hata ije siku ile ya Mungu, na kuihimiza; ambayo katika hiyo mbingu zitafumuliwa zikiungua, na viumbwe vyatya asili vitateketea na kuyeyuka?

[13]Lakini, kama ilivyo ahadi yake, mnatazamia mbingu mpya na nchi mpya, ambayo haki yakaa ndani yake.

## 5) Uthibitisho wa nyaraka za mitume. (3:15-18)

Mwisho, mtume Petro anaeleza uthabiti wa yale anayowaeleza, akiwatolea mfano kwa kurejea pia nyaraka za mitume wengine (akimtaja Paulo). Kama pia anayaeleza mambo hayo hayo ayasemayo katika nyaraka zake.

Petro 3:15-16

*15 Nanyi uhesabuni uvumilivu wa Bwana wetu kuwa ni wokovu,  
kama vile na ndugu yetu mpenzi  
Paulo alivyowaandikia kwa hekima aliyopewa;  
16 vile vile kama katika nyaraka zake zote pia, akitoa humo habari  
za mambo hayo; katika  
nyaraka hizo yamo mambo ambayo ni vigumu kuelewa nayo; na  
mambo hayo watu wasio na elimu,  
wasio imara, huyapotoa, kama vile wayapotoavyo na maandiko  
mengine, kwa uvunjifu wao  
wenyewe.*

Hivyo kwa ujumla maudhui ya waraka huu ni kuwahimiza watakatifu kufanya bidii katika ukamilifu na kujiepusha na manabii wa uongo, na kuchoka kungojea ahadi za Mungu. Bali waendelee mbele kutibitika katika ukamilifu bila wala wala hila hadi siku ya kutokea kwake Bwana Yesu mara ya pili.

Je wewe kama mkristo unayemngojea Bwana. Unafanya imara wito wako na uteule wako, kwa kukua kila siku katika neema kiasi cha kukufanya ujione huna mawaa wala aibu, katika siku ile ya Bwana?

Kama sio, basi wakati ndio huu, Maanisha kugeukia kumfuata Kristo.

Bwana akubariki.

Washirikishe na wengine habari hizi njema kwa kushea

Ikiwa utapenda kupata msaada wa kumpokea Yesu maishani mwako bure, Basi wasiliana nasi kwa namba uzionazo chini ya makala hii.

Pia kwa kupokea mafundisho ya kila siku kwa njia ya WHATSAPP, jiunge na channel yetu kwa kubofya link hii >>

<https://whatsapp.com/channel/0029VaBVhuA3WHTbKoz8jx10>

Uchambuzi na mwandishi wa kitabu cha pili cha Petro (2Petro).

Kwa mawasiliano: +255693036618 au +255789001312

Bwana akubariki.

### **Mafundisho mengine:**

*Mwandishi na Uchambuzi wa kitabu cha kwanza cha Petro.(1Petro)*

*Fahamu Mwandishi wa kitabu cha Waembrania ni nani.*

*Mwandishi na uchambuzi wa kitabu cha Wakorintho wa kwanza (1Wakorintho)*

**Rudi Nyumbani**

Share on:

WhatsApp

Uchambuzi na mwandishi wa kitabu cha pili cha Petro (2Petro).

[Print this post](#)